

## ایراند قمری تاریخی نین گونش تاریخینه تبدیل اولونماسی

1298 هجری شمسی ایلی نین اسفند آبی نین ایکسینده اولکه میزین بیرنجی هجری شمسی تاریخی تنظیم اولوندو و اوندان سونرا گونش تاریخی قمری تاریخی نین یئرینی توتدو. اونولا بئله بو دیشمه نین اجرا اولونماسی بئش ایل زمان آپاردی.

1298 هجری شمسی ایلی نین اسفند آبی نین ایکسینده اولکه میزین بیرنجی هجری شمسی تاریخی تنظیم اولوندو و اوندان سونرا گونش تاریخی قمری تاریخی نین یئرینی توتدو. اونولا بئله بو دیشمه نین اجرا اولونماسی بئش ایل زمان آپاردی.

تقومین قمری ایلیندن گونش ایلینه دیشماغی اینن عینی زماندا آیلارین آدلاریدا دیشدی. قدیم دؤرلردن او گونه جن اولکه میزین تقویمینده ایلین اون یکی آیی؛ «حمل، ثور، جوزا، سرطان، اسد، سنبله، میزان، عقرب، جدی» آدلانسا دا او گوندن سونرا بو آدلار؛ فروردین، اردیبهشت، خرداد، تیر، مرداد، شهریور، مهر، آبان، آذر، دی، بهمن، اسفند آلالاری اینن عوض اولوندو.

بو طرحی او گونون ملی مجلسینه ارائه اندن طهران وکیلی میرزا عبدالحسین خان وحیدالملک ایدی.

وحید الملک اؤز طرحینده یازیب:

دولت اداره لری محاسبه لری بورجلار اساسیندا (اویغور تاریخی اساسیندا) اولدوغو و دولتین بوتون رسمی ایشله یئرلری ده معامله لری و حقوق لری نین دا همان نسق اینن جاری انله دیقلاری و غیر رسمی اداره لر و عموم جماعتین قمری آیلاردا استفاده انله ماقلارینا گؤره، چوخلو اختلافلار یارانیر و دولت ایشله یئرلری نین ضررینه قورتولور. بو اختلافین آرادان گتتمه سینه گؤره آشاعیداکی طرحی قانونی طرح یولو اینن مقدس مجلسه پیشنهاد ائلیرم:

1. ایلیق معامله لرده هر ایلین باشلانیشی حمل بورچوندان حسابلاناچاق.

2. بوتون ایلیق معامله لر بورجلار اساسیندا حسابلاناچاق.

توضیح: معامله لر دن منظور اجاره، استجاره، اجرت، فحله لرین مزدی، ایشله یئر، تجاری خدمت لر، صرافیلر و سایر کیمی اونلاردا مبلغ قید اولان قراردادلار دیر.

3. بیرنجی و ایکینجی ماده لر 1328-جی ایلین حمل آبی نین اولیندن بوتون «ایران محروسه مملکت لری» نده اجرا اولوناچاق».

### مجلس بو طرحه بئله جواب و نردی:

ملی شورا مجلسی 1328-جی ایلین صفر آبی نین 12-سی. میتکرات اداره سیندن مجلس ریاستی اداره سینه، میتکرات کمیسیونون آقای وحیدالملکون طرحینه گؤره راپورتو، میتکرات کمیته سی نین 1328-جی ایلی نین بئشینده کی صورت جلسه سینه موافق اولراق.

جناب وحیدالملکون، بوتون عمومی مشترک مبادله لر و معامله لرین تاریخ ثبتی و قمری تاریخیندن شمسی و بورجی تاریخینه دیشمه سینه گؤره طرحی مذاکره اولوندو. او طرح اساساً دقته لایق طرح اولسا دا عموم جماعتین آراسیندا جریان تاپماسی اوچون، عجالتاً بیر سئری اشکال لارینان اولشه چاق. بونا گؤره کمیسیون درین ملاحظه لره اساساً بو طرحین اجرایی اوچون اظهار عقیده سینی مسکوت قویور و اونون عمومی اجرایی آیری بیر زمانا موکول ائلیرم. اما بوتون دولتی دایره لرده اجرا اولونماسینی لازم بیلیر. -لسان الحکما».